

易

通

學至宋人亦可謂得其要領而漸近于孔孟矣。使當日者恂恂然不舍孔孟之所恒言而以學以教其自秦漢以來孰能及之。乃卒惑於異說表章太極圖以爲學宗。奉先天河圖以爲作易之本原。視漢儒之支離荒誕曾未遠過。擇焉不精以貽譏於後世。廷祚不敏未嘗不三復流連爲之太息也。今姑舍河圖之真僞不論。果以是爲備天地萬物之理。則包犧氏之畫卦不亦贅乎。若以大傳所言猶待于仰觀俯察。近取遠取。則河圖又烏足以制易之輕重。其他說之誤可

推而知也。余著周易正解一字一義咸稟諸十翼而不敢越其所未盡則別撰易學精義一卷於潔靜精微之旨封錮于異說而不得被諸日用者畧爲詮疏而吾儒與二氏之異同亦旁及焉皆易理之不可闕者也。嗚呼孔子沒而微言絕六經之中賴易在耳學者誠致力焉而毋爲異端曲學之所誤何憂于聖道之不明天下之不治哉辛酉夏六月程廷祚識

篇目

統論

陰陽剛柔

用九用六

乾坤

易簡

專直翕闢

一陰一陽之謂道

形而上者謂之道

性命

中正

仁義

易學精義

易通十

上元程廷祚著

統論

聖。人。者。天。地。之。心。易。者。聖。人。之。心。

莊子云易以道陰陽知易之本矣而未及其用也。伊
川云易者隨時變易以從道也知易之用矣而未
明其本也。大傳曰剛柔者立本者也變通者趨時
者也。其至矣乎。

易者象也。象者如畫家取山水人物而繪之于絹素

也是故分之而一卦有其象焉。合之而全書又有其象焉。全書之象有內有外。有動有靜。以乾坤象人之性命。以奇耦象人之知能。以奇耦之交錯象知能之互用。以六十四卦三百八十四爻象知能之變化。此內象也。以乾坤象上天下地。以奇耦象人事之動靜。以奇耦之交錯象動靜之相乘。以六十四卦三百八十四爻象動靜之善惡。此外象也。吉凶悔吝生乎動。動之變無窮。而坐照于幾先者。所重在神。著之德圓而神。聖人之寄易道于蓍龜。

者所以象人之神以知來也。此動象也。事變之來。其端莫測。而精義析理之學。可以豫謀。則所貴在智。卦之德方以智。聖人之設卦。以盡情。僞繫辭以明吉凶者。所以象人之智。以藏往也。此靜象也。有是四象。究而論之。實所以象人之心也。心在則易明。而人道立矣。

著之德圓而神。天之象也。成象者也。卦之德方以智。地之象也。成形者也。人者圓與方交。神與智合。神以融通。智以藏納。聖人以著象人之神。欲人之動。

則通其變也。以卦象人之智。欲人之靜。則藏其理也。自天下惟知求易于著卦。于是易之名存而實亡矣。

易。卽聖人之身也。聖人之身。卽易也。東周以還。人但知易爲卜筮之書。故夫子作傳而曰。易有聖人之道四焉。言其不僅以卜筮用也。後儒弗察。亦已誤矣。况更亂之以小數曲學。无所不至。而易遂爲怪妄之藪。噫。可勝嘆哉。

潔靜精微。易教也。惟有奇耦。豈非潔靜乎。不出于奇。

耦豈非精微乎

或曰後儒之以圖說易也何如曰吾于易見六十有四圖焉六十四圖之外實無所謂圖者卽有所謂圖亦非三聖之所手授也吾不欲觀之矣

易之不明由世人不求易之所以作也仰則觀象于天俯則觀法于地近取諸身遠取諸物昔之聖人以是作易而今惟求之于書欲其能明得乎

何謂易兼三才之道曰乾天道也坤地道也易人道也乾坤成列而易立乎其中矣是謂兼三才之道

兼三才之道者。以三才爲陶冶者也。豈河圖洛書之足云。

伊川之序易傳。謂易之卦與爻爲已形已見者。可以知言其未形未見者。難以名求其論善矣。然聖人立象以盡意。繫辭以盡言。假使意不盡于象。言不盡于辭。則易其得爲完書乎。

易之爲書。惟在難形難見者。能形之見之。爲聖人之能事。若猶有未形未見者。不惟不足以爲易。且不足以爲聖人矣。人亦切求之耳矣。

大易之主宰在于乾坤。乾坤之精蘊在于易簡。而萬理萬事又皆統于乾元。故易之爲書惟乾卦至大。坤已相去甚遠。其餘六十二卦不過一時一事之用耳。

易之爲道。乾與坤交易而成者也。故曰乾坤毀則无以見易。與乾坤相終始者也。故曰易不可見則乾坤或幾乎息矣。

分而言之曰乾坤。合而言之曰易。泛而言之曰道。其實一也。分而言之曰性命。猶分而言之曰乾坤也。

合而言之曰心。猶合而言之曰易也。故易者心學而已矣。惟是之謂道。

大傳首章言天地之變化而歸重于乾坤。又自乾坤之易簡而推極于賢人之德之業。聖學宗旨昭然可見。而凡天下之學術亦于是乎定矣。有宋大儒輩出。度越往古。然觀其論佛老之學曰。彌近理而大亂真。又曰。當如淫聲美色以遠之。夫以佛老爲近理。必吾之理本不遠于佛老也。以佛老爲亂真。必吾之真與彼初无差別也。淫聲美色人情之可

好可悅莫甚焉。而曰佛老似之。豈吾道之可好可
悅。反不若彼乎。而待嚴制其情而後濟也。嗟乎。亦
正之以易而已矣。惟不能正之以易。故无怪其所
謂主靜立極。既无加于清淨寂滅之上。而所謂致
知窮理。亦祇流于章句訓詁之歸。支離迂濶。无裨
實用。使天下不見聖學之效。而竭其智力。不足以
與佛老爭一日之勝也。已。

常人不能成天下之務者。不明于吉凶悔吝也。二氏
之不肯以天下爲事者。自知其不明于吉凶悔吝。

也不明于吉凶悔吝者。不知順性命之理也。然則易可不學哉。

陰陽剛柔

陰陽之所以爲陰陽。三代而後。知之者鮮矣。知陰陽之所以爲陰陽。方可言道。言易言性命。言聖人之學。

明于易。然後知真陰陽。无爲陽。无形爲陰。主一切有爲陽。成一切有爲陰。至精爲陽。精而兼雜爲陰。統領者爲陽。服從者爲陰。先動後靜者爲陽。先靜後

動者爲陰。无始无終者爲陽。有來有去者爲陰。无
外。无內者爲陽。有方有所者爲陰。知真陰真陽。則
能見萬物之情。能見萬物之情。則于天下之物。能
分能合。以盡變化之用。

真陰真陽者。陰陽之分也。豈易言知哉。若耳目所可
及。心思所可到。則无非二物之交。蓋二物不交。則
无天地萬物。而人與天地萬物同生于其交者也。
陰陽之交。乃人受生之根。无一息之可離。聖人本此
以基大業者也。釋氏見及于此。而失之過高。故其

書不言陰陽而以天爲第二義。仙家修煉之法。期于陰盡而陽存。故有純陽之說。而不知天下无純陽而能獨立者。至于朱儒尊太極而抑陰陽。易之不明。其失則均矣。

陰陽剛柔皆无形之物。而聖人設卦以顯其德。傳曰。象也者。像此者也。象謂卦象也。此謂陰陽剛柔也。惟其像此。故謂之象。而非謂陰陽剛柔爲有象也。或曰。陰陽剛柔其辨安在。曰。道本于无。儒者多諱言无。然理實如是。奚諱焉。陽者无中之无。陰者无中

之。有。陰。陽。既。皆。曰。无。則。不。特。陽。不。可。見。而。陰。亦。不。
可。見。矣。陰。陽。一。交。而。陽。之。无。者。動。而。爲。剛。陰。之。有。
者。從。而。爲。柔。而。象。于。是。始。形。于。是。起。是。則。剛。柔。之。
于。陰。陽。較。似。稍。後。而。語。其。微。妙。則。不。惟。陰。陽。不。可。
見。而。剛。柔。亦。不。可。見。矣。夫。由。陰。陽。而。剛。柔。由。剛。柔。
而。形。象。自。无。而。有。由。虛。漸。實。其。自。然。之。序。有。如。此。
者。傳。曰。闔。戶。謂。之。坤。闔。戶。謂。之。乾。一。闔。一。闢。謂。之。
變。往。來。不。窮。謂。之。通。見。乃。謂。之。象。形。乃。謂。之。器。闔。
闢。變。通。者。陰。陽。剛。柔。之。事。也。體。物。不。遺。而。未。見。未。

形者也。高明如天，象焉而已。博厚如地，器焉而已。凡可見可形者，皆陰陽剛柔之迹，而非其微妙者也。

韓康伯曰：道者何？无之稱也。无不通也。无不由也。又曰：必有之用極，而无之功顯。其意雖出于老莊，而語自分明。後人但聞王韓之言，卽以異端目之，亦可謂耳食者矣。

剛柔之妙，見于動靜。故曰：動靜有常，剛柔斷矣。又曰：剛柔者，晝夜之象。晝屬于動，夜屬于靜也。

陽不得陰，不靜；陰不得陽，不明。陽得陰，陰得陽，此之謂通乎晝夜之道而知。

陰陽之分大小。非以形體也。陽自統陰。陰自從陽。一
綫未絕之陽。能攝蓋世方盛之陰。惟在陽之能自
振耳。故曰君子以自強不息。

皇極經世書以日月星辰分陰陽太少。以水火土石
分剛柔太少。以陰陽剛柔爲有形有象之物。粗亦
至矣。其所謂陰陽者。明暗而已矣。所謂剛柔者。硬
軟而已矣。

剛柔乃陰陽之動而有爲者。故傳曰剛柔相摩。上而
陰陽下而形象。所以杼軸于其間者。此也。

在天成象在地成形變化見矣變出于陰陽化出于
剛柔變則成象化則成形

觀變于陰陽而立卦陰陽既變則有剛有柔故卦可
得而立發揮于剛柔而生爻剛柔發揮則有象有
數故爻可得而生然則卦爻之奇耦爲何物乎曰
聖人以陰陽既不可見剛柔又不可見則无可以
示人者矣故爲一奇一耦以紀其數所以明難明
之道也曰孔子于爻畫皆以剛柔言之然則爻之
爲爻與陰陽无預乎曰剛柔者卽陰陽之所爲但

較之陰陽則猶爲數之可得而紀者也。今奇耦已見矣。故聖人之言如此也。然聖人于純奇純耦之卦如乾坤否泰則亦有時而直言陰陽要之言剛柔則陰陽在其中。故曰分陰分陽迭用柔剛也。或曰陰陽孰體孰用曰陰陽各有體用亦相爲體用其各有體用者陰陽之本性靜專動直靜翕動闢是也。其相爲體用者陰陽之至情乾則成象坤則效法是也。

周易集解崔憬曰凡天地萬物皆有形質就形質之中有體有用體者卽形質也用者卽形質

上之妙用也。按儒者言體用始此。又曰天圓地方。爲體資始。資生爲用。動物形軀爲體。靈識爲用。云云。其意與後儒言體用者不同。

乾坤者名也。健順者德也。易簡者用也。奇耦者數也。剛柔者性情也。卽一陰一陽之謂也。

易兼三才之道。觀變于陰陽而立卦。天道也。發揮于剛柔而生爻。地道也。和順于道德而理于義。窮理盡性以至于命。人道也。

釋氏之學。偏于天。以其立乎陰陽之始也。仙家之學。偏于地。以其執乎剛柔之交也。聖人之學。貫乎三

才。本。陰。陽。運。剛。柔。以。盡。乎。象。數。之。變。
性。屬。陽。命。屬。陰。然。亦。可。曰。立。性。之。道。曰。陰。與。陽。立。命。
之。道。曰。柔。與。剛。

用九用六

天。數。奇。地。數。耦。天。數。奇。者。物。之。始。无。二。本。也。地。數。耦。
者。物。之。既。形。皆。有。對。待。也。奇。耦。雖。並。立。之。數。然。天。
自。成。其。奇。地。自。成。其。耦。非。以。天。地。相。對。而。爲。奇。耦。
也。所。謂。奇。耦。者。天。數。五。一。三。五。七。九。是。也。地。數。五。
二。四。六。八。十。是。也。天。之。數。極。于。九。地。之。數。極。于。十。

用九用六天用極數而地不用極數何也天主成象動而无方非一三五七之所能盡故必用其全數而始足以定天下之象此乾之所以用九也地主成形靜而有常二四形之不足八十形之有餘皆不可用惟六數居中得形之正此坤之所以用六也用九者非置一三五七于无用也由一三五七而盡其變化以極于九而不極于九不可也用六者非置二四八十于无用也增二四之不足損八十之有餘以止于六使彼之四數皆以六爲準

也。九爲盡數。六爲中數。然地之數以六爲至正而不可加減。則六亦盡數也。此易所以謂之極數也。不主于一三五七而必迭用之以歸于至當。是爲用九見羣龍无首也。化二與四之缺畧八與十之繇贅以立乎中正。是爲用六利永貞也。

天一地二者天地之始數也。天數始于一奇。地數始于二耦也。天三者何一貫于二之中。一包于二之外。并本數而爲三也。地四者何地二之數至此漸著而有前後左右也。天五者何地雖有四然總爲

天。一。之。所。攝。而。遂。成。天。之。五。也。地。六。者。何。地。二。之。數。至。此。更。著。而。有。左。右。前。後。上。下。也。地。至。此。方。矣。數。極。矣。天。七。者。天。之。數。不。足。以。周。夫。六。者。也。偏。陽。也。地。八。者。地。之。數。有。餘。于。其。方。者。也。偏。陰。也。至。于。天。九。既。不。同。于。五。之。僅。攝。夫。四。又。不。同。于。七。之。未。周。夫。六。而。向。之。三。數。又。凡。三。變。矣。天。之。數。于。是。極。矣。地。十。者。天。道。无。終。而。地。代。終。故。天。九。之。後。地。以。十。終。之。也。

天。一。之。數。至。三。而。其。用。始。變。五。雖。僅。攝。夫。四。而。三。至。

此爲再變七。雖未周夫六而三至此爲又變。故三其三而極于九也。

或曰地之數以六爲至何也。曰有形之物至于成方則无可加減矣。故曰坤至靜而德方。

或曰天地何以有此十數也。曰天地之奇耦自然而成者也。何以遂止于此。曰數之極也。假使地止于四則物之形不全矣。天止于七則物之象不備矣。或曰地之用六爲得形體之全。吾知之矣。天之用九于何見之。曰卽于物象見之。天數至三而始著。

地有上下之一耦。天之三則從而周之。地有左右之一耦。天之三再從而周之。地有前後之一耦。天之三又從而周之。地有耦而天有奇耦。既成而奇亦止。六者所以承九九者。所以統六也。奇之所至而耦不能承。則耦壞。耦之所至而奇不能統。則奇亦壞。君臣父子夫婦之道。定于此矣。

天之一下交于地而後有三。故一不變三。然後變天之三。三變而極于九。謂之參。天地之二再變而至六。謂之兩。地傳曰。參天兩地而倚數。用九用六。

之謂也。

或曰七與八之爲偏陽偏陰何也曰天不至于九皆偏陽也。地不至于六皆偏陰也。然陽之偏者病其不足。陰之偏者惡其有餘。故古之立卜筮者不取七八而必用九六也。七于人爲小智。偏才。八于人爲重濁闇昧。

或問八卦之與十數其義何別曰剛柔摩盪之中有其大小先後焉。是曰八卦有其經緯脉絡焉。是曰十數。

六者地之中數。地之所以位乎中也。九者天之極數。天之所以周乎外也。故曰法象莫大乎天地。

或曰九六天地之極數。而聖人以一爻當之。亦有說乎。曰陽動物也。命之曰一。而實非平平之一。畫其勢必三折而爲一。以一則必動也。以動則必不止于平平也。陰靜物也。命之曰一。而亦非平平之一。畫其勢必有兩面而分爲左右前後上下也。一既折而爲一。其一往一來。又必三。其三折爻之用。九非此義乎。一既分爲左右前後上下。則兩面已化。

而爲六○百○矣○爻○之○用○六○其○取○諸○此○乎○傳○曰○書○不○盡○言○言○不○盡○意○後○人○惟○以○一○畫○求○一○画○豈○復○能○見○其○精○蘊○之○所○在○邪○

一○地○數○也○而○穴○其○中○爲○何○義○乎○曰○此○天○之○所○行○也○一○陽○動○而○陰○分○奇○牝○而○耦○息○二○物○相○爲○終○始○此○天○地○之○大○原○九○六○之○實○義○非○聖○人○不○能○見○也○

舊說一○二○三○四○五○爲○生○數○爲○正○數○六○七○八○九○十○爲○成○數○爲○非○正○數○易○用○生○數○而○不○用○成○數○用○九○者○一○與○三○與○五○也○用○六○者○二○與○四○也○其○說○是○否○曰○旣○曰○成○

數不如生數。則六七八九十之用。遜于一二三四五矣。何以大傳槩曰。此所以成變化而行鬼神乎。况明明天數有九。地數有六。乃棄之不用。而借一三五以爲九。二四以爲六。將置本數于何地乎。爲此言者。蓋求用九用六之說。而不得。且不知此十數乃天地自然之數。而不容有所假借者耳。奇耦天地之數之總名也。于天之奇數。獨用其九。于地之耦數。獨用其六。若曰。凡奇凡耦。不足以用也。此聖人之意也。

先儒謂用九爲剛變爲柔用六爲柔變爲剛非也剛者乾之德柔者坤之德非惟无取乎變亦豈可得而變乎用九用六乃得剛柔之正耳

或曰天一至地十舊解以爲五行生成之數是否曰易以剛柔八卦爲主五行之生成雖亦有妙義然屬剛柔八卦成形以後之實迹非剛柔八卦立乎形象之外而包乎形象者比况此十者乃剛柔八卦之全數所以成變化而行鬼神豈五行之所可盡者哉後人傳會河圖之文最爲謬誤假使其說

有當則孔子贊易并不言五行而只言剛柔八卦不无遺議矣嘻豈其然哉

乾坤

對成象成形之物而言則乾與坤皆无爲以乾對坤而言則乾无爲坤有爲推其極而言則乾亦未嘗无爲其有爲者大而且精不似坤之有迹耳人之性命亦然

凡中正純粹俱出于乾偏邪駁雜俱出于坤此坤之不如乾也然既有天地民物則不能无爲一有爲

則不能皆善。乃自然一定之理。此又坤之无可如何者也。佛貴真空。舍命而言性。畏命之多偏雜也。老尚无爲。遺形而全神。知有爲之不皆善也。若夫聖人以性統命。以命從性。化坤之偏邪。駁雜而爲乾之中正。純粹至實而至空。有爲而无爲。二氏蓋有所不知也。

天下之動貞夫一。乾貞于健。坤貞于順。乾坤之各貞夫一也。乾貞于統。坤貞于從。乾乾坤之同貞夫一也。而天下之動舉出于此矣。

乾坤二物函蓋羣品乃天地萬物之所共得共有以
成象成形之大莫如天地故取象焉而專訓之曰
天道地道則非也傳曰乾陽物也坤陰物也豈不
章明較著與

統天者乾承天者坤凡形象之成皆屬乎坤而坤之
所至无往非乾故物以乾元爲至大

大哉乾元萬物資始乃統天物之大至天極矣而乾
曰統天明其无所不統也雖天之大亦以一物而
資始于乾此乾元之所以爲大也

天欲生是物。而地卽能生之。天欲成是物。而地卽能成之。此原其始。而體屬乎天。用屬乎地也。至于物之旣生旣成。則物又不能自用。而待用于天。今卽以人所爲之器物。驗之凡器物之內空者。必其用在內者也。凡器物之內實者。必其用在外者也。用或在內。或在外。以天之在其內外也。此要其終。而體歸于地。用歸于天也。天者物之終始。故曰乾元統天。

乾于天下之道。无所不統一。切衆有皆聽命焉。故曰

乾以君之有其德者居其位。故傳于乾之九二曰。君德于九五曰。位乎天德九二君德已全。九五君位方立。實則一而已矣。然則乾道未盡其何以莅中。撫外向明而治也哉。

潛龍一爻于乾坤爲一動一靜之間。于天地爲秋末冬初之氣機。于人爲胞胎之在母腹。于草木爲萌芽之藏于土中。于人品爲遜世韜光之行。于學術爲聖賢安身立命之地。其所該之廣如此。若引伸觸類。則愈推而愈不能盡。然善易理者。初不越乎。

一事一物而自有以得其該貫融通之妙也。

見羣龍无首者无心也。人心有將迎。每每先物而動。此非天德之正。惟盡性之聖人物之去來未嘗有心。不先而隨。爲見羣龍无首之象。傳曰。乃見天則。天以无心成化。聖人盡性之學于此爲極。

大明終始解者。以爲聖人大明乾道之終始非也。八卦中離卦主明。然離之明不若乾之明。蓋離之明麗物而後彰。乾之明无形而自著。麗物而後彰者。得物則明。不得物則不明。其終始係于物无形而

自著者不問物之去來而明常在其終始係于已。此乾道所以爲大明所以爲大明終始也。乾之大明性之體也離之明心之用也。

用六利永貞坤德貴于從乾猶人之形不可離性形而離性猶子之背父臣之叛君爲人道之大患用六蓋立命之學也。

陰不自見而從陽以成化則爲善爲吉否則爲惡爲凶。坤之初六始見一耦有陰不從陽而自見之象。傳曰陰始凝也陰從陽則不凝背陽則凝矣一念。

之起至于滅性一事之變至于喪身始于背陽而
終于无陽皆此一耦爲之也可不慎哉

西南得朋與陽合也東北喪朋與陰絕也凡陰與陰
絕則吉故去黨以從正國之幸也改過以遷善身
之福也

地道无成而代有終坤不敢以勞貽乾順之至也故
國必有宣力之臣而君始安家必有持門之婦而
夫始泰

事未至而心先起則陽過而陰不能隨龍之亢者也

道。心。微。而。血。氣。橫。則。陰。過。而。陽。不。能。制。龍。之。戰。者。也。一。則。失。之。飄。揚。一。則。失。之。重。墜。乾。坤。之。德。亡。矣。故。聖。人。以。用。九。用。六。爲。至。極。

坤。傳。六。二。之。動。因。初。爻。之。凝。而。言。也。陰。不。從。陽。則。凝。從。陽。則。動。而。有。化。生。萬。物。之。功。直。以。方。也。直。本。乾。體。坤。能。因。乾。之。直。以。成。已。之。方。則。其。大。亦。幾。並。于。乾。矣。

敬。以。直。內。體。乾。之。奇。于。內。也。義。以。方。外。用。坤。之。耦。于。外。也。方。者。直。之。所。成。義。者。敬。之。所。發。奇。耦。互。用。而。

德不孤。釋氏之作用。近于直內而不足于方外。管
商之經綸。近于方外而不足于直內。其皆德之孤
者與。

以空靈變化。无始无終。求之則惟見乾而不見坤。此
元首巍然而股肱耳目。惟令是從也。以彰明較著
遇物呈形。求之又惟見坤而不見乾。此百官分職
而穆清之上端拱无爲也。乾本无而坤本有于此
見乾坤之分。乾不可以爲終。无坤不可以爲終。有
于此見乾坤之交。

乾曰无坤曰无形。

問乾何取于无曰非无不足以統天下之有也中庸之末以无聲无臭爲至可以見矣。

乾无始終无内外聖人于易知見其端倪于大明見其全體于六位見其變化。

乾坤二物異則相反同則相用其相反也一冰一炭而不可合爲一其相用也同生同死而不可分爲二聖人用其異以精義窮理用其同以安身崇德而性命之理順矣。

文言以中正純粹贊乾。所以明坤之不能然也。于坤之上六曰。天地之雜也。雜根于坤之性。坤而自用。其性天亦爲之雜矣。

乾坤之道甚大。聖人于乾惟用易。知于坤惟用簡。能此用乾用坤之極。則一貫之根源也。

乾主成象。坤主成形。萬物資始。乾之成象也。萬物資生。坤之成形也。乾坤既交之後。則乾中有坤。故无形之先。不能不變。而爲象。此天地之自立其命也。坤中有乾。故有形之後。不能不運之以空。此天地

之自復其性也

或問子言乾中有坤坤中有乾奚以明其然也曰傳
曰立天之道曰陰與陽立地之道曰柔與剛天道
陽也而兼曰陰地道柔也而兼曰剛吾是以知乾
坤之互藏也

六十四卦之用合之惟乾坤二卦乾坤二卦之用合
之惟乾卦一卦乾卦之用惟在一奇一奇發揮于
六爻爲潛見惕躍飛亢此時位之異德則不異人
能盡一奇之妙則全易在我矣

或問一奇之妙于何見之曰見于變化變化見于人
道猶天道之見于成象成形也曰釋氏所見如何
曰釋氏知有一奇之妙而不事人道則不能盡一
奇之變化雖自以爲圓通而實未嘗圓通自以爲
无礙而實未嘗无礙也

或問一奇之妙若用之人道能无染否曰有染不足
以爲奇

或問奇之在人于何見之曰于易知之動見之曰不
見時何如曰剛中是也

乾剛而動。坤柔而靜。此乾坤之大端。實則乾不止于剛而動。坤不止于柔而靜。傳曰。坤至柔而動也剛。又曰。乾其靜也專。乾既曰靜。則亦乾之柔也。或曰。剛柔動靜。乾坤既兼而有之。將以何者爲乾坤之定論乎。曰。惟健順足以盡之。健然後見真乾。順然後見真坤。

求乾坤宜于動時。求之動者。坤也能動者。乾也。乾坤皆動物也。坤若不動。則乾亦不行矣。于坤之承乾。而无幾微有違于乾者。見坤之靜。卽見其柔。卽

見其順。

乾坤二物。有時而靜。則皆靜也。有時而動。則皆動也。如以動屬乾。以靜屬坤。則靜爲偏陰而不可用矣。聖學未嘗不言定靜。然其本原在于知止。若老氏之歸根曰靜。則屬偏陰矣。宋儒之主靜。正襲其誤。故晦菴有至靜則爲純坤之說。

乾之動不可見也。于其不已見之。坤之靜不可見也。于其從乾見之。彼凝然頑然而已者。非坤之靜也。或曰乾坤之德。靜則相合。動則相隨。宜无乎不善也。

而卦有否泰剝復事有善惡吉凶其紛紛者如彼何也曰陰陽有本有末天之樞星常若不動至于赤道之內外其星周一歲而後盡見者去天樞遠也夫一乾一坤同體合德所謂本也二物不能无動動則不能无相遠愈動則愈大而愈遠所謂末也故論其本體則內健外順陰陽常得其平而无動靜彼此之別語其末流則不能无過不及而消長之異生殺之殊至不可以數計者本末之情然也聖人致中和以贊天地之化育則有泰无否有

復。无。剝。而。陰。陽。之。粗。迹。皆。由。順。正。以。行。矣。

元亨利貞。文言分爲四德。以發明人道之用。後儒乃目爲天道。以之分配四時。又曰貞下起元。皆无當之論也。夫天道惟一。至健運而不已。其有生長收藏。而爲春夏秋冬者。乃造化流行之迹象耳。今日貞下起元。則凡間斷偏駁。无不出于天命之本然。有是理乎。觀孔子于蠱曰終則有始。天行也。于剝曰君子尚消息盈虛。天行也。于復則曰天地之心于此。知天命之中正純粹自有在也。然則四德不

可以配四時。而乾卦之彖辭信乎不必分爲四德矣。

或曰乾卦乃純健之德而六爻中不能皆善何也曰六爻乃時位所成係形象以下之事豈能皆善易之立乾卦者欲人以乾道行于此卦之六爻爻雖有善不善而隨時以處之者必歸于至善而後已故曰六位時成言乾非有六因所處之時而成此六位也又曰六爻發揮言六爻乃乾德之所發揮爻雖異而德則不異也其餘六十三卦皆當以是

求之。夫時位有善不善。此古之聖人所以作易也。乾健坤順。道之綱也。健順之交變。有動入陷麗止說六者。共成八卦。動入陷麗止說六者之外。別无健順之用。健順之用。俱在動入陷麗止說六者。動陷止屬健。入麗說屬順。此其大端也。然健非順不行。順非健不著。動陷止之中。必有坤之簡。能入麗說之中。必有乾之易。知至未有六者。而有六者。又皆乾之知。始既有六者。而用六者。又皆坤之作。成也。

易簡

易簡之靜爲性動爲心形于外爲情執于物爲意必
固我至于情已漸非易簡之本體過此以往則變
而爲險阻矣故大學之論正心在不溺于忿懣恐
懼好樂憂患等情正慮情之一往而將至于不可
知也惟聖人終始易簡故曰恒易恒簡能說心研
慮未嘗无情而不爲情用故曰知險知阻
易簡本于无形險阻生于有象

中庸曰惟天下至誠能盡其性能盡人之性盡物之
性人物之性皆可以已之性盡之者以性无不同

也。性。无。不。同。以。易。知。簡。能。无。不。同。也。以。其。皆。出。于。剛。柔。八。卦。之。所。摩。盪。也。不。明。于。此。而。言。萬。物。一。體。天。人。合。一。者。皆。藏。鉤。射。覆。之。論。而。未。見。其。所。以。被。諸。實。用。者。矣。惟。合。天。地。萬。物。而。爲。一。大。易。知。簡。能。則。欲。盡。吾。之。性。必。至。于。天。地。位。萬。物。育。而。後。已。焉。以。不。如。是。則。易。簡。之。量。未。能。盡。也。釋。氏。之。失。可。見。于。此。他。若。記。誦。辭。章。无。益。于。易。簡。者。也。智。謀。功。利。有。害。于。易。簡。者。也。此。又。俗。學。之。弊。聖。人。之。所。深。惡。者。矣。

學无天道人道之分。能見易簡之所從出。謂之達天。能順易簡之所由行。謂之盡人。

或曰。易簡緣知能而見。人之愛親敬長。雖屬良知良能。然飲食男女之好。貪生惡死之情。以及伎害之事。爭鬪之端。種種皆出于知能。人之知能。駁雜如此。而謂之易簡。何也。曰。豈寧惟是。今夫天地之間。寒暑燥濕之不正。山川物類之不齊。以及否泰之運。治亂之迹。造化且有如是之不善。而況于人乎。然造化雖有如是之不善。而天地所以不壞者。以

元氣也。人心雖有如彼之駁雜而易簡所以常存者以靜正也。記曰人生而靜天之性也。此言易簡之體也。感于物而動性之欲也。此言易簡之用也。物至知知然後好惡形焉。此言易簡之發于知能也好惡无節于外知誘于內不能反躬天理滅矣。此言知能之失其易簡也。夫知能之失其易簡在好惡旣形以後當此之時不能反躬則物至而人化一能反躬則欲淨而理全易簡之存亡在能反與不能反之間耳。天運而成形象勢不能无險阻。

人生而有血氣。勢不能无情欲。人能養其靜正。以全性命之本。然則易簡之知。能與天合德。血氣和平。而情欲无蔽。雖有外物之感。如浮雲之過太虛矣。

靜正則易簡在我。而知爲天知。能爲天能昏邪。則知能逐物而易變爲險。簡變爲阻。

言乎邇則靜而正。所以靜者坤也。所以正者乾也。靜屬坤。正屬乾。固也。然陽不得陰不靜。陰不得陽不正。故未到靜正之時。則易簡不相見。而乾坤息矣。

聖人所謂靜正。淺而言之。不過去憧擾之思慮。除偏邪之情識。自然動靜皆合于道。若乃避喧求寂。舍外守內。則未聞聖人有是學也。

乾以易知。所以易者。乾也。至于知則已。涉事物屬坤之簡能矣。天下之人。終日用知而不知。知之所自出。是則爲坤所掩。而不能見乾。此易之所以不可不學也。

或曰。旣曰易簡。何以又曰健順。曰。惟健。故恒易以知險。惟順。故恒簡以知阻。非健非順。則易簡不可得。

而見健順卽乾坤也。曰中庸所謂中和者與易簡有辨否。曰中者易簡俱存而未發。和者自易之簡而已形。蓋中爲易簡之體。和爲易簡之用也。曰釋氏定慧之說如何。曰養易簡之原于寂然不動之中。爲定。定久而光明發見爲慧。慧乃易之所生。而簡卽在其內。然釋氏雖自名爲定慧。而實不知有易簡。則道其所道而非吾之所謂道矣。

或曰大學言知止而後有定。其所止卽易簡乎。曰然。自定至安。所以存易簡之體也。能慮能得。所以達。

易簡之用也。

或曰釋氏亦人耳何以不知易簡曰吾于其用易簡者知之彼所用者乃易簡最初未曾發動之本體莊子曰我爲汝遂于大明之上矣至彼至陽之原也爲汝入于窈冥之門矣至彼至陰之原也至陽卽性至陰卽命二原字最爲分明正指易簡未曾發動之本體釋氏之學用此爲最上乘仙家亦以爲究竟一著而皆不被于人道則謂之不知易簡可也。

老子曰玄牝之門是爲天地根根與原同義天地根卽性命最初之體也

乾坤成列而易立乎其中易簡而天下之理得也乾坤毀則无以見易非易非簡則天下之理不得也易不可見則乾坤息天下之理不得則亦不成其爲易簡也二氏之學正所謂易不可見者也

未至于相盪不見八卦未至于相摩不見剛柔或曰剛柔不見時如何曰靜正而已曰靜正之中復有何物曰唯有乾坤乾坤之中又分動靜專與翕屬

靜。此。中。不。涉。一。物。直。與。闊。則。屬。動。而。剛。柔。而。八。卦。
相。摩。相。盪。變。化。无。窮。矣。人。之。性。命。卽。乾。坤。也。感。物。
而。動。則。有。知。能。知。屬。剛。能。屬。柔。知。能。摩。盪。之。中。自。
具。八。卦。之。用。而。思。慮。情。識。百。端。並。作。矣。以。乾。坤。之。
中。正。純。粹。而。旣。涉。形。象。以。後。卽。不。能。有。正。而。无。偏。
有。純。而。无。雜。則。愛。惡。相。攻。遠。近。相。取。情。僞。相。感。者。
皆。知。能。摩。盪。以。後。之。所。必。至。者。也。苟。不。知。吾。之。知。
能。一。本。于。乾。坤。之。靜。正。而。任。其。散。爲。憧。擾。之。思。慮。
結。爲。偏。邪。之。情。識。則。人。道。壞。而。天。道。亦。壞。聖。人。有。

易學卷之四
憂之。此易之所以作也。

大學致知之知。卽易知也。知旣致。則易知出矣。意旣誠。則簡能從矣。易簡旣具。心可得而正矣。修身以後。易簡而天下之理得也。易簡在前。理得在後。此可以見宋人格物之解之誤。然則格物何謂也。曰物。卽孟子蔽于物。禮記感物而動之物。格者抵敵之意。不使之入于內。而爲易簡之害也。若以格物爲窮理。易何以不曰理得而易簡乎。

專直翁闢

夫乾其靜也專其動也直夫坤其靜也翕其動也闢
乾○坤○對○言○則○一○動○一○靜○分○言○則○各○有○動○静○是○爲○四
用○不○容○一○物○之○謂○專○不○轉○一○法○之○謂○直○卽○物○卽○我
之○謂○翕○彼○此○兩○分○之○謂○闢○乾○坤○之○所○以○廣○大○者○以
全○此○四○用○也○聖○人○之○所○以○盡○道○者○亦○以○全○此○四○用
也○釋○氏○有○得○于○專○仙○家○有○得○于○翕○彼○二○氏○于○乾○坤
之○靜○蓋○各○有○所○見○矣○乾○坤○之○動○則○未○之○知○也○豈○足
以○語○聖○人○之○道○之○廣○大○哉○
知○專○知○翕○而○不○知○直○知○闢○終○不○能○成○參○兩○變○化○之○功○

而乾坤有偏枯之患。足于邇之靜正而不足于遠之。不禦。易知簡能皆缺而不全矣。故聖學于此立。二氏之異同亦于此辨。

或問此四者與易簡何先何後。曰專與翕者易簡之體。卽所謂未發之中也。直與闢者易簡之用。易簡至此已著。卽所謂中節之和也。先聖之書惟庸與易通。

乾坤之分在剛柔。剛柔之分在動靜。然乾之專爲剛中之柔。乾之直爲剛中之剛。坤之翕爲柔中之柔。

坤之闢爲柔中之剛。再細推之。則專之中亦復有柔。有剛。其餘放此。故乾曰動曰剛。坤曰靜曰柔。未盡也。必以乾坤中之各分剛柔動靜者。細推而其義始盡。

乾坤雖各有動靜。剛柔而二物所執之數。則一何則。專與直皆奇也。翕與闢皆耦也。故聖人立象畫卦。惟以奇耦示人。其義精矣。要而論之。惟以動靜剛柔求乾坤者。大端雖得其究。不細。聖人蓋不離乎數而得乾坤之實者。故曰倚數曰極數。作易之本。

在于此矣。

天下惟專爲真乾。至于直則坤已在其中矣。然乾之
可見在直而乾之欲自見者亦莫如直。釋氏僅僅
惟用一專而干乾之所欲自見者則芟夷蘊崇之
以至于盡吾不知其用心之忍何以至于斯也。
翁者坤得乎乾而與乾相守也。其海宇寧謐君民相
保之象乎。闢者坤從乾出而受乾之剖斷也。其政
治清明舉措悉當之義乎。

或問傳曰闢戶謂之乾又曰坤其動也闢何也曰闢

闢對言。則闢自屬坤。闢自屬乾。若坤之闢。亦卽乾之所爲也。坤非自能闢。妻道臣道。无專制之理。夫乾其靜也專。專猶言整也。謂无外无內。截然而獨立也。奇之義。以此而定一之數。以此而明至數始于一而終于九者。奇非有九也。止此一奇。凡九變而數始極也。

或曰。聖人之學。莫大于敬。敬卽乾之專否。曰。敬非卽專。惟敬則專在。豈惟專在。卽直亦在。翁闢皆在。易知簡能。无一不在。故曰。敬者德之聚也。曰一敬卽

可以爲聖人否曰聖人與天合德者也。若賢人之敬。但能不悖于人道而已。

一陰一陽之謂道

道猶路也。所以行者也。考之經傳。各有其義。一陰一陽之謂道。此言道者陰陽所行之路也。率性之謂道。此言道者性所行之路也。天下之達道五。此言道者天下之人所行之路也。皆道之正義。若論其至大而最先。則惟大傳之一言盡之。佛老之所謂道。又在此言之先。與聖人所見有偏全大小之分。

聖人此言于率性達道二義自足以舉之非佛老所能知也。

一陰一陽之謂道。言一陰一陽之所行乃謂之道。非卽以陰陽爲道也。聖人不卽以陰陽爲道者。慮天下之賤視夫陰陽也。宋儒不悟以太極爲理尊而上之以陰陽爲氣抑而下之。故其說曰陰陽迭運者氣也。其理則所謂道。豈知理者卽一陰一陽之所爲而陰陽之外又無所謂太極乎。

太極卽陰陽也。非陰陽之外復有一物也。兩儀卽書

中之奇耦兩畫也。非泛指陰陽也。四象卽三畫之八卦也。非四時。非七八九六。非金木水火。非二畫之太少陰陽也。八卦卽重卦六十有四也。非謂三畫之卦也。漢唐諸儒于此節皆不能解。至宋陳希夷乃借爲先天之序。其不經尤甚矣。

或曰宋儒不以太極爲陰陽尊之也。而今謂不然何歟。曰吾聞諸孔子矣。一陰一陽之謂道。又曰立天之道曰陰與陽。而不聞曰太極之謂道。立天之道曰太極。且易之爲書。惟以奇耦二畫經緯萬變。則

天下之物无先于陰陽无大于陰陽者可知矣。偶一變文言太極而遂起紛紛之論亦獨何歟。假使陰陽之上之外別有所謂太極而當尊者孔子亦宜有以處此不待宋儒而後明其義矣。

陰陽兼理與氣而陰陽不得謂之理謂之氣故曰一陰一陽之謂道。

或曰理與道之分何若曰道者陰陽所行之路理者陰陽所爲之事也故曰易簡而天下之理得。

繼之者善成之者性善也性也與道之分何若曰道

者陰陽之所行。善者其生物之心性者其命物之具也。善日出而不窮。故曰繼性一成而不變。故曰成。非繼之者善。則大化之流行有時而或息矣。非成之者性。則物之偏全同異混淆而難定矣。凡此皆道之功用。必待次第言之。然後知陰陽之于道。无不該。而以陰陽爲道者。洵非聖人不足與于此也。

謂之善者。言陰陽之生人生物。皆本于有愛。无憎。有求。无舍之情。而能然者也。孟子性善之說出于此。

矣

仁者見之謂之仁。智者見之謂之智。此見其然而未見其所以然也。百姓日用而不知。此可使由之而不可使知之也。然其要在知能知。則所見不止于仁智之一偏矣。

三代以下能見仁見智者。卽謂之第一流。如諸葛孔明、王祥、范滂、文司馬、君實之輩是也。若其他則事功如蕭、曹、房、杜、文章如馬、班、徐、庾。至于廉潔謹愿。自成一節一行者。究而論之。皆百姓之日用而不

知者也。聖人之道豈易言哉。

三代以後陰陽之說晦而不明。談術數者假于五行之生克、星宿之吉凶以惑世誣民。自謂出于陰陽而不知其賊道之甚者也。至儒者之于陰陽不知其形上形下无所不統而惟以寒暑晝夜之粗迹當之。于是非太極先天不言、非河圖洛書不言、非元亨利貞不言、以爲此數者乃天下之精理妙義而陰陽不足言也。然則大傳何以必曰一陰一陽之謂道而爲此竭盡无餘之辭哉。陰陽之義不明。

故剛柔九六健順易簡皆不能明而自遜于太極
先天諸說以矜高妙不知其求深反淺有害于易
而无功于道也可勝歎哉

形而上者謂之道

形而上者謂之道陰陽剛柔之事也形而下者謂之
器成象成形之事也道明然後器立聖人于陰陽
剛柔辨之如燭照數計安之如日用飲食而經緯
天地若无事焉降及大賢于所謂形而上者已不
能皆見故事業有媿于聖人其餘篤誠謹愿之士

則皆不及見矣。故道不明而器克盡者未之有也。或曰聖人道本一貫而傳又有形上形下之說何也。曰夫妙萬物而爲言者初不離乎萬物此器與道之合也。然妙萬物而爲言者又不染乎萬物此道與器之分也。知形下而不知形上則流于粗濁。知形上而不知形下則入于空虛。旣知形上又知形下此一以貫之者也。

乾坤之性一有一无。故凡在天地之間者皆半可見半不可見。以人身言之則面以前可見而背以後

不可見也。以宇宙言之。則地平以上可見。而地平以下不可見也。以一日言之。則晝可見。而夜不可見也。以世運言之。則已往者可見。而未來者不可見也。究其極而言之。則器可見。而道不可見也。然則道可以謂之无乎。曰。謂之无。不可。謂之无形。則可。然則聖人不曰无形。而曰形而上者何也。曰。此所以爲聖人之言也。夫道不可以謂之无者。以道之自有其有也。可以謂之无形者。以道之自有其有而不涉天下一切之有也。若夫聖人則其視道。

之。无。不。啻。視。天。下。之。有。其。視。道。之。无。形。不。啻。視。天。下。之。有。形。學。至。聖。人。則。道。无。形。而。有。形。然。謂。之。无。形。不。可。謂。之。有。形。又。不。可。則。曰。形。而。上。者。至。哉。言。矣。

釋氏曰空而已矣。老氏曰无而已矣。聖人視空猶實。視无如有。故中庸曰莫見乎隱。莫顯乎微。

器卽道也。合而觀之。有形上形下之分。二氏不知形上之說。而曰无形。是離器與道而二之矣。且于无形之中。惟見其一。无所有而不見其无所不有其

學之偏。由于心之粗也。

佛氏言圓言妙言寂。此三者皆見于易。彼之暗合以于易之形而上者所見畧同也。但彼于形而上者。槩以一空字盡之。不知其中爲陰陽二物。于形而下者。槩以一色字目之。不知空中之所有。皆綠色。而見而又不知所謂色者。不可漫然无同異之別也。佛氏所見之粗。當以大易正之。

性命

性命對舉。性與命各有其義。而不可相混。相兼者。惟

易爲然。以陰陽之同異。乾坤之奇耦。至易而其理始窮也。他書則有言性而命在其中者。如論語之性相近。禮記凡民有血氣心知之性。之類。有言命而性在其中者。如禮記生于天地之間者。皆曰命。左傳民受天地之中以生。所謂命也。之類。有言性而實則命者。如孟子之形色天性。食色性也。之類。究而言之。人之所以生。謂之命。所以知。謂之性。生而後有知。則命先于性。知爲生之主。則性重于命。然性非命。无以麗。命非性。无以靈。其在未生之先。

則性命俱寂。既生以後，則性命俱融。既无先後之分，亦无輕重之別也。惟明于易而知性之本于天，則當以性統命而養其易知之原；知命之本于地，則當以命承性而純其簡能之體。不知性命之分而求性命之合，蓋亦難矣。

論語夫子之言性與天道，中庸天命之謂性，孟子盡其心者知其性也，諸性字立義最精，是直指純乾之性。

論語五十而知天命，天命者，卽一陰一陽之謂言此。

乃天之命脉也。易之樂天知命與窮理盡性以至
于命二命字皆指天命而言。此又人之性命之大
原也。

心知血氣合而爲人。心知性主之。血氣命主之。心知
不可遽以爲性。出于性者也。血氣不可遽以爲命。
出于命者也。性命之外無餘事矣。

性主心知。命主血氣。血氣之爲物。其在生初。既有秀
頑厚薄之分。有生之後。又易爲習染所污。見聞所
蔽。知誘于外。不能反躬。以至滅天理而窮人欲。皆

血氣之爲也。其不善有如是者。若論順之于健簡。之于易本相倚爲用而不可偏廢。性善而命亦豈有不善哉。惟所主既殊。則其效相遠。不知者以爲性惡。以爲善惡混。以爲有義理之性。有氣質之性。皆昧于性命之說。而未窺大易之蘊者也。

宋人于太極之下。卽立陰陽五行。以爲生人之本。所謂妙合而凝者也。不知以物言之。人與五行同爲一物。于天地之間。以物之精粗大小言之。則五行之與人。殆未可以等計也。且儒者亦不達于天地

之所以生物矣。夫人受天地之中。五行受天地之偏者也。水能潤下而不能炎上。金能從革而不能曲直。其自囿于方隅如此。又安能萃其精氣以生人之至靈絕異哉。故以五常之性爲出于五行者。漢儒至粗之論。後人沿其誤而不察耳。或曰人之有氣火屬也。津與血水也。筋木也。骨之堅金也。肉土也。人之成其形者。不外乎五行。如此則五常之性非其妙合而凝者哉。曰孟子云萬物皆備于我矣。夫人者首圖象天。趾方象地。兩目象日月。聲音

象雷霆。其心通乎萬理。其體具乎萬形。又豈五行
之所能盡哉。

資始者性之謂也。資生者命之謂也。性卽乾也。命卽
坤也。

性之能統乎命也。乾之爲也。命之克承乎性也。坤之
爲也。性爲主而命爲使。故聖人之學。莫大于盡性
而命自我立矣。

各正性命。則乾囿于坤一之。所以萬也。保合太和。則
坤復爲乾萬之。所以一也。

易簡而天下之理得。可見非易非簡。則天下之理不能得矣。聖人之作易也。將以順性命之理。可見非聖人。則性命之理乖亂而不順矣。天下之理。卽性命之理也。未有外天下而得爲性命者。故佛氏之學。可以謂之見性。不可以謂之盡性。

人心湛然靈覺者。此命原也。不可名之爲性。以其下統形氣。故謂之命。原人之一身。惟此與虛空元善之性合而爲一。如婦之從夫子之求母。虛空元善之性。卽乾也。易知自此而出。湛然靈覺。卽坤也。簡

能自此而見聖人以靜正者養性命之原以廣大者盡易簡之用佛老二家惟知守性命之原而不達于易簡凡人則逐物馳情元善隔絕其湛然之靈覺下墜于形氣而知能歸于邪妄人道淪于異類矣

心中之靈覺不離于天則爲道心離于天則爲人心以其出自坤元坤性墜下故易爲形氣所梏可不慎哉

性水也心水之流也情水流之波瀾也意必固我水

之凝而爲冰也。聖人于性則盡之。心則正之。情則平之。意必固我。則絕之。人性以意必固我而滅。世道以意必固我而壞。

魂魄皆屬于命。有動靜之分子。產曰人生。始化曰魄。既生魄。陽曰魂。自命之本體而言。則謂之魄。自魄之交于陽。而有靈覺。則謂之魂。魂者。命之所以受性者也。命有兩端。陰之數耦。又明矣。

精氣爲物。物之生也。精附氣而相依。遊魂爲變。物之死也。魂失所而遊放。魂卽精也。乃人之昭然靈覺。

者氣散則无所歸故曰遊魂。

記曰物至知知上知是无知之知下知是有知之知。或曰可以分爲一性一命否曰不可无知之知性命同居有知之知性命亦同居无知之知之可以言知者性知命命知性也有知之知則性與命俱出而知物矣。

陽明而陰暗離體本乾故麗物而光明。坎體本坤故于義爲險陷性動而爲心自乾而之難也。命出而爲情自坤而之坎也。心去性未遠雖卽物生明而

猶可以旁通情與命相緣故遇物呈形而易膠于
運用然性命互根則坎離同原故離有中正之美
坎亦有剛中之德而盡心者可以知性反情者亦
可以復性

反情二字
見樂記

聖人與二氏之于性命所見各有不同而門戶遂異
聖人見性尊如天命卑如地故以命從性如臣之
于君子之于父而不敢少違中庸曰尊德性繫辭
傳首言天尊地卑可見聖人所見在此故造次須
臾无往而不戒懼也經世宰物无在而不敬謹也

老氏于虛靜之極見性命相聚于一所絕无睽乖
離異之象故曰冲氣以爲和又曰无聲之中獨聞
和焉佛氏既不言天又不言命其所見者性體之
空靈超妙故曰无所住而生其心又曰不垢不淨
不增不減二氏之所見異于聖人者如此然老氏
所見在于和聖人何嘗不曰保合太和佛氏所見
在于妙聖人何嘗不曰神妙萬物而爲言然則二
氏所見不足以誇聖人而聖人所知所見二
氏蓋未之前聞也

傳曰一陰一陽之謂道。大而天地細而微塵顯而世界之燦著隱而人心之未發皆一陰一陽之所竝到。而未有獨陰孤陽自成一事者。此可以知性命之說矣。釋氏之學自目爲性宗。殊不知旣言性則命則其中仙家之學自以爲修命。殊不知不言性將以何者修命。皆妄論也。

中正

中正者。天之所以爲德。而聖學之樞要也。孔子傳易借爻位發之。以詔學者。故言中正者。非五卽二。然

二多言中。而五多兼正言之者。五尤爲剛之正位也。

不局于方。所謂之中。不流于邪曲。謂之正。中故剛不爲先。正則柔不爲主。道之至也。

中則必正。正則必中。不中不得謂之正。不正不得謂之中。二者義亦相近。先儒謂有正而不中者。其意以爲中優于正。果爾則易何爲于五位多言中正哉。

剛中之中。自含正義。柔而得中。始能從剛而得其正。

易經精義
是柔中亦未始不正也。

或曰易惟二五謂之中正其餘豈皆偏邪乎曰非也。
二五言中正者聖人借發其義于有形之爻位也。
若以至理言之。一卦之內有吉有凶有悔吝。君子
于吉則趨之。凶與悔吝則避之。能處之皆得其當。
則六爻无往而非中正矣。何必二五哉。

民之生也。受天地之中。而以爲性。故聖人立教。惟在
于中。人能戒慎恐懼。須臾不失其中。則无往而不
得。所謂剛中者。示人以天德也。所謂中正者。示人

以天德之在此也存其心而已矣。

或曰濂溪所謂中正仁義者何如曰道之爲道一中盡之矣言正以明中之卽此而在也故傳又有靜正之說靜而且正中无遺義道无餘蘊矣若夫仁者中之異名也仁見于外則爲義仁義之與中正非二物也易言中正卽所以言仁義若待濂溪增之以仁義則易之所謂中正者爲何物乎豈堯舜之執中尚未及于仁義邪晦菴解周子之書以中爲禮以正爲智蓋借易之中正以自爲其說去易

之本旨遠矣

孔子之言剛健中正何也曰剛健中正卽剛中也蓋剛健容有未中正者中正未有不仁義者

中庸曰君子而時中中者天命之本體卽易之所謂剛中也聖人默契于此而无時不然故曰時中若大賢以下能從事于人道者俱得謂之君子而不得謂之時中晦菴以時中爲隨時處中則止見事物有中而不見天命有中矣聖人惟能存天命之中所以能處事物之中大賢以下于事物不能皆

得其中正。以此心不能時中也。隨時處中。自屬庸字之解。

堯典之欽明。大雅之昭事周。頌之宥密。中庸之時中。孟子之直養。皆歷來聖人相傳之心法。在易則爲中正。于无聲无臭之中。存剛直敬慎之體。所謂潔靜精微者。如此佛氏證真空。于不生不滅之地。較之聖人。似更爲微妙。更爲无迹。然佛氏以空見空。則无往不空。故其用不被于世。吾儒以實見空。故无往不實。而能爲天地人物之主。學不知此。則爲

易學卷之三
曲學人不知此則爲小人

仁義

傳曰兼三才而兩之故易六畫而成卦分陰分陽迭用柔剛故易六位而成章上言陰陽柔剛仁義而下但言陰陽柔剛解者不詳其故不知此乃正言仁義也夫陰陽以上不可得而言也陰陽分而易知之端以開仁者易知也剛柔以下其變无窮也柔剛用而簡能之効以著義者簡能也仁出于成象之乾義出于效法之坤非仁无以生物非義无

以成仁。乾以知始而坤以作成也。人道由是而立。易道由是而興。

仁者乾元生物之心。然此際惟屬知始。雖曰分陰分陽。而于物无所分。故一愛而无不愛者。仁之本然也。知始必須作成仁之安頓位置。其用皆係坤元。此際易簡相摩。剛柔迭用而洪纖高下之形。燦然畢具。故愛雖同而有親親仁民愛物之別。者義之正理也。乾之知始。主于能愛。坤之作成。主于能別。故知乾坤然後知真仁義也。

中庸曰仁者人也。義者宜也。義者所以宜仁也。義卽仁之有分辨者。仁之外无義。仁至則義自盡。佛氏見天而不能全。故其學有慈悲而平等无差別。見仁而不見義。人道之所以不立也。

或曰佛氏旣言真空。何以又言慈悲。曰慈悲者仁之流露。彼雖不知有仁。亦曾畧見于性。安得而无慈悲。孟子曰惻隱之心。人皆有之。記曰无服之喪。內恕孔悲。此不知其然而然者也。然仁必須義。乃能行。若佛氏之惟知慈悲。則賊其仁而害其性矣。

或問何以仁屬分陰分陽曰陰陽未分則爲陰陽之
交生理具足于其中故陰陽一分則生機流露而
謂之仁何以義屬迭用柔剛曰柔剛又是陰陽之
用卽動靜也生機旣發而分辨隨之能靜參動察
以不失其時措之宜而義著矣按重一分字及迭字是爲六位而言
本來只是分
陰陽明柔剛
仁之渾淪原包義之明辨易知則有親而易從則有
功也義之斷制卽根于仁之慈祥效法之坤所以
終成象之乾也

中庸喜怒哀樂之未發此際正是陰陽之交生物之本也故不偏不倚未足盡中之訓

劉子云民受天地之中以生天地之中陰陽之交也交則必分天地分而人生陰陽分而仁出人即天地之仁也故曰仁者人也

先儒果核之喻亦確

或問仁義之于性命何若曰易簡者乾坤之精蘊仁義者性命之英華夫性主真知而出于乾乾之數奇奇則圓命主真能而出于坤坤之數耦耦則方仁不必言傳曰義以方外則義之屬耦而其係于

命也。可知性必假命以爲用。故仁必待義而後成。論命之初。其中正純粹。无異于性。但性之所領者。心知命之所領者。血氣不无精粗清濁之分。以至漸流漸遠。而人心遂爲道心之害。此非命之本然。而知誘物化。喪其真能之所致也。若夫義之爲用。與仁同體。以坤順之真能輔乾健之真知。藏奇于耦。運圓于方。使吾性之仁。燦然就理。而无混淆之弊。此易簡之所以理得性命之所以合一也。故仁義者。大易一書之命脉也。

窮理盡性以至于命。理卽義也。性卽仁也。窮理所以象坤盡性。所以象乾命。則其合一之地也。

或曰。吾子以仁爲易知。義爲簡能。是一內而一外矣。告子之言得无近是。曰。告子之言判仁義而二之者也。吾則謂仁出而爲義。義卽仁也。義入而爲仁。仁卽義也。一物而異名。互用而同體者也。孟子曰。仁人心也。義人路也。豈可以孟子之言爲同于告子哉。

卜筮易之一端因而滯于術數者君子弗貴也然古者卜筮之法今亦不可得而詳矣左國所記後儒所言余曩疑其多不與易應夫不與易應則非自然之道矣豈以聖人而爲之哉朱子以易爲卜筮之書而所作啓蒙往往謬于大傳朱子且然而況他乎此余所以屢置之而不敢議也昨著正解旣竣始條其不與易應者數事別爲占法訂誤一卷以俟後之君子夫卜筮莫盛于古其在三代而後則可謂浸微浸滅矣而易初不以是重輕易之道其大矣哉乾隆辛酉

除日程廷祚書

占法訂誤

上元程廷祚著

貞悔

古占法只用一卦求其動爻而已。或曰可證乎。曰洪範有之。占用二。曰貞曰悔。靜守其正。謂之貞。言內卦也。動致其察。謂之悔。言外卦也。內卦外卦非一卦。而何左氏傳亦有貞風悔山之說。可見洪範之法。由來尚矣。東遷以後。天下多事。問卜筮者日益繁。于是一貞一悔之占法。不爲時之所說。筮史乃

自立爲卦變互體廣象諸說而古法爲之一變按
言卦變必兼論之卦則是兩卦而非一卦矣言互
體則內外混淆貞與悔不可得而定矣準以占用
二之說皆有未合占法宜宗洪範左國雖善于推
演其變亂古法者似未可以盡據也

之卦

觀大傳所言定志斷疑辨吉凶悔吝者一卦六爻而
已卦以立象而爻以盡變故乾文言曰六爻發揮
旁通情也六爻之外而又有所謂變者自筮家之

言之卦始而大傳本无其說言之卦者必曰陽變
爲陰陰變爲陽夫陰陽有盈虛消長而不聞其互
相爲變陰陽之不能互相爲變觀于天地男女可
見矣且陽之于陰貴其能統陰之于陽貴其能承
其各有定分如此非唯不能變尤无取乎變也求
之天下无其理求之大易无其象而謂卜筮有之
可乎借曰有之則乾可以爲坤坤亦可以爲乾坎
可以爲離離亦可以爲坎使剛柔健順之道茫然
而不識其所歸古聖人之開物成務固如是乎傳

曰爻者言乎變者也。又曰剛柔相推而生變化。畫有奇耦九六而上下進退于初二三四五上之際。所謂六爻發揮者。易之變唯在于此而无復遺義矣。郝仲興曰易所謂變剛柔往來交相摩盪三百八十四爻莫非變也與此正同故此卦有此卦之變。彼卦有彼卦之變。既无相待之義。陽有陽之所以爲陽。陰有陰之所以爲陰。又无可變之實。然則左傳之言之卦何也。傳曰動則觀其變而玩其占。筮之爲用。將以求一卦之動。爻而知其吉凶悔吝也。所謂之者。所以識此爻之動而別之。

于不動之爻者也。其以陽爲陰，以陰爲陽者，何也？凡物有所求而後動。陽動則求陰，陰動則求陽。故筮者于爻之陰陽，彼此互用以爲識別，而所取仍在本卦。何以明之？崔杼遇困之大過，困之六三動也。陳文子舉困六三之辭，而不及大過之九三。南蒯遇坤之比，坤之六五動也。子服惠伯舉坤六五之辭，而不及比之九五。他若王子伯廖舉豐之離，子太叔舉復之頤，皆卽指豐與復之上爻。蔡墨論乾之姤，而曰潛龍勿用，乾之初九也。其同人曰見

龍在田、乾之九二也。與姤之初、同人之二、无與焉。以是知其仍取本卦也。仍取本卦則所謂之者。但爲識別之用。其或借以推廣而因此及彼。豈古法之正哉。且以此觀則所謂之者。亦但宜謂之之爻。而不宜謂之之卦。何則。我之筮得者在此卦。其動者在此卦之爻。其彼卦之爻且无所取。如前所引者。而況卦乎。故曰不可謂之之卦也。春秋以前不可考矣。左國之時占法蓋已浸誤。不然何其多謬于大傳也。自有之卦之說。而言卦變者如蝟毛而

起。使。易。道。晦。塞。不。明。以。至。于。極。幸。左。國。二。書。所。載。
占。辭。始。終。未。嘗。稱。之。卦。爲。變。卦。余。乃。得。從。二。千。餘。
年。之。後。尋。其。遺。文。墜。義。而。知。其。交。互。陰。陽。徒。爲。識。
別。動。爻。之。用。而。非。有。他。至。于。互。體。之。穿。鑿。傳。會。亦。
始。于。筮。家。推。廣。斷。法。而。後。儒。不。察。承。用。于。筮。疏。之。
中。蕪。穢。聖。經。其。害。與。卦。變。俱。烈。可。不。連。類。並。及。辭。
而。闢。之。哉。

陰陽老少

九。六。七。八。乃。著。策。自。然。之。數。而。目。之。爲。陰。陽。老。少。則。

于。古。未。聞。其。說。京。山。郝。氏。曰。七。八。者。筮。法。用。以。爲。進。退。損。益。求。九。六。者。耳。因。九。六。而。借。七。八。爲。少。以。九。六。爲。老。求。卦。爻。之。單。拆。分。別。變。與。不。變。惟。筮。家。用。之。若。易。之。乾。坤。惟。一。而。已。有。老。有。少。是。有。二。乾。坤。也。又。曰。易。之。變。非。待。老。也。苟。爲。老。變。不。老。則。不。變。既。有。不。變。豈。得。謂。易。老。變。少。不。變。者。此。筮。家。之。一。法。耳。邵。堯。夫。附。會。其。說。以。老。少。當。四。象。經。未。有。明。文。也。余。按。天。數。五。皆。奇。也。以。九。爲。極。地。數。五。皆。耦。也。以。六。爲。中。陽。宜。進。故。用。九。而。不。用。七。陰。宜。退。

故用六而不用八。筮法象之。此聖人所以體天地之撰。通神明之德者也。然則七八九六皆乾坤之數。乾雖有七而不用。以陽不足也。坤雖有八而不用。以陰有餘也。七爲陽之不足。謂之少陽。似亦可矣。八爲陰之有餘。似當謂之老陰。而顧曰少陰。豈不誤乎。且以七八爲少陽少陰者。大抵本于男女六子之說也。若以六子不變。乾坤然後變。六子衆而乾坤寡。則易之不變者多。亦至矣。豈不尤誤乎。傳曰二篇之策。萬有一千五百二十。指乾策坤策。

而言正所謂用九用六也。夫曰乾之策。坤之策。則所謂七八者。已不復用。而不足謂之策矣。而先儒必曰。少陽少陰之策。亦萬有一千五百二十。是期之日。有二萬物之數。亦有二矣。何不察之甚邪。余向疑老少陰陽之名。不見于經。聞京山之言。而爽然自失。然則聖經之所无。而出于後儒者。其皆未可以遽信也夫。

或曰。蓍法有七八而易之卦爻俱稱九六者。何也。曰。易之道廣而蓍之道狹。人之求蓍。不過求卦之一

爻而已。著之示人。亦不過示人以卦之一爻而已。其名九六。爻之既動者也。其不動而得七八者。則已存而不論矣。若在于易。則三百八十四爻。无不可以動言。故曰鼓天下之動者存乎辭。言天下之至動而不可亂也。易之名爻。俱曰九六者。以此豈著之比哉。趙氏汝楳乃謂揲著兼七八九六與易不同。失其義矣。

重交單拆

重交單拆。于古未聞。或謂出于鬼谷子。卽火珠林之



所用是也。趙氏汝楫曰：一一爲陰陽之畫，九六七八爲紀畫之名，得九七皆當畫爲一，得六八皆當畫爲一。開對鄭氏曰：古人畫地識爻，遇九則重其奇，遇六則交其耦。擲錢以九爲重，以六爲交，本出于此。向余不知重交單拆之義，竊疑所謂單拆者，正易之奇耦二畫而轉以爲少陽少陰，所謂重交者，于易无所見，而乃以爲老陽老陰，而當易之九六得趙氏之說，而昭然若發蒙矣。又嘗疑所謂重交者，既不見于易，則必出于後人之杜撰，而爲古

之所无得鄭氏之說而知世之所傳多有古人之遺法而輕議之者非矣且吾由鄭氏之說而得大衍五十有五所以除六數之故蓋古人存此六數于揲蓍之時以爲分別動爻之用非截然不用者也否則鄭氏所謂遇九則重其奇遇六則交其耦者爲何物乎有得于此既可信重交之有所自而有五二字之爲脫文亦炳然以明而先儒紛紛之論皆不得不謂之曲說矣

按既有重交以別九六則本卦本爻求之自足之卦之无得益于此見

策數

大傳曰分而爲二以象兩掛一以象三揲之以四以象四時歸奇于扚以象閏五歲再閏故再扚而後掛此著法十有八變之第一變也其掛扚之法晦菴本之孔氏穎達而論定之者可謂得其正矣至于傳稱乾之策二百一十有六積六爻之各三十有六而得之也坤之策百四十有四積六爻之各二十有四而得之也以至二篇之策莫不皆然而莫不斷于過揲之數雖其過揲三十有六而爲九

者其掛扚必十有三。其過揲二十有四而爲六者。其掛扚必二十有五。而聖人惟視其過揲而不視其掛扚也。如視其掛扚之數以爲斷。則聖人何以不曰乾之策七十有八。而曰二百一十有六。坤之策一百有五十。而曰百四十有四乎。此欲趨簡捷而顯悖于大傳者。且過揲以象四時也。掛扚以象閏也。雖定時不可无閏。而安得以閏爲正。京山郝氏謂晦菴以掛扚之餘策爲正。而以乾坤之策爲揲過無用之策。可謂倒見。豈不誠然乎哉。又晦菴

惟主掛扞之餘策。致第一變之後。除一而後可以
布算。是張郭除掛一于後。兩變方揲之時。而晦菴
除掛一于第一變既揲之後。其于止有三營之失
均矣。

附與友人書

蒙示尊著論揲著之法。有服者二。有不敢遽服
者一。其服者。則大衍之數五十。定有五之爲脫
文也。策數之當斷于過揲。而不當斷于掛扞也。
其不敢遽服者。則謂後二變不掛。夫自春秋而

後占法失傳卽左國所載未可盡信若揲法則經有明文矣。非占法之可比也。以經考之一變之中有分、有掛、有揲、有歸、有再扚、言之有序而不雜如是。分以象兩、掛以象三、揲四以象四時、歸奇以象閏、再扚以象再閏、言之各當其物而不可闕又如是。則亦可以免于紛紛之論矣。乃張橫渠郭忠孝諸儒獨以爲後二變不掛奚怪朱子之出而辨之哉。向闕啟蒙一書見其論占法頗多臆說意竊怪之至其所論揲法則未嘗

誤也。且經以分掛揲歸爲四營。言一變以例十有八變。又言再扚後掛以起第二變之端。聖人之意炳然甚明。若謂第二第三揲不掛則十八變中掛一者僅六。不掛一者十有二。聖人當日不宜統謂之十有八變矣。而又皆曰四營而成易。其故何邪。郭氏譏孔氏頴達之說爲自相抵牾。按正義云。初揲之餘歸之合于掛。扚之一處再揲之餘又合于前所歸之扚。而總掛之是再扚而後掛也。夫掛者一也。扚者奇也。其事雖二而在

四揲之餘。則掛與扚必合于一處。而後象閏。其
言未爲大失。若總掛之說。乃爲混扚于掛。而不
見掛與扚之所由分。以致經之後掛。其義亦无
由而見。則可謂踈矣。以此爲譏。穎達固无所辭。
若譏其以左右手揲爲再扚。此在經有明文。而
謂爲穎達之私言。可乎。且郭氏曰繫辭以兩扚
一掛爲三變而成一爻。是三歲一閏之象。按經
文。自其用四十有九之下。始于分二。終于再扚。
所言明係十有八變之一變。如郭氏之說。則經

文爲言三變矣。郭氏徒知以三變應三歲爲明于象閏之義。其于啓蒙所譏考之經文爲六扚而後掛。而後兩變又止于三營者。將何以應之。邪。蓋郭氏不自知其致誤之由。在以一爲奇。而以歸奇爲歸掛。一于扚。夫以奇爲所掛之一。此虞氏翻之誤也。一者兩之用。奇者四之餘。其物異矣。掛一本以象三。歸奇本以象閏。其義又異矣。虞氏起而混之。使象三象閏不復有別。而掛一歸奇。又不成爲兩營。朱子以爲名實俱亂。其

言當矣。汴水趙氏曰：奇對耦而言，爲奇耦之奇。對成數而言，爲奇餘之奇。歸奇者，奇餘之奇也。豈可與一混乎？尊著云：一本居揲四之外，故以爲奇而掛之。此郭氏承虞氏之誤，而以後二變爲不掛之由，不可不察也。欲知一之非奇，當明一所以當掛之故。夫道以兩爲體，以一爲用。一者，兩之合也。人者，天地之合也。分而爲二，以象兩掛一，以象三。未分以前，則无物也。未掛以前，則物自物也。二分而物之體見，一掛而物之用。

行象兩之後。不可以无象三。蓋道之自然。而非
 人之智力所能爲也。今揲法後二變。不能无兩。
 不能无兩。而无一。則爲有天地。而无人。其合于
 道否乎。一之爲物。其重如此。明于其故。則知四
 營之不可以闕一。而以一爲奇者。其誤審矣。至
 郭氏謂第一揲。惟掛一。則所餘非五。卽九。而能
 變第二第三揲。雖不掛。亦有四八之變。蓋僅知
 掛一爲生變之一端。其所得固已淺矣。况其說
 亦未盡乎。啓蒙謂三變皆掛。則爲老陽十二。爲

老陰四爲少陽二十爲少陰二十八。老者陽饒而陰乏。少者陽少而陰多。若後二變不掛則爲老陽。少陰皆二十七爲少陽者九爲老陰者一。又皆參差不齊。而无復自然之法象。由朱子之言而排策以求之。則後二變不掛者得九甚易。得六甚難。然則得爻成卦。不掛與皆掛者。不能无異矣。安得以俱有四八之變。而遂毅然必欲執其成說哉。延祥又嘗以左傳考之。其間一爻動者凡十畢。萬遇屯之比。晉文公遇大有之睽。

叔孫莊叔遇明夷之謙、孔戡子遇屯之比、得九者、四陳侯遇觀之否、魯桓公遇大有之乾、晉獻公遇歸妹之睽、崔武子遇困之大過、南蒯遇坤之比、趙鞅遇泰之需、得六者、六得九未見其易。得六未見其難。然則三變皆掛。其爲占法无疑。而啓蒙之所云。確于張郭。從可識矣。足下研精易學。多所發明。又承以廷祚爲可語。故輒陳其所見。不敢自蹈阿順以虧麗澤之義。幸惟教之。

占例

古聖人之以卜筮前民用也。不過欲人知其事之是非。理之邪正而已。末世多故。時之君臣欲逆探事變于未來。筮者乃務爲推廣以炫長而阿世。若左氏國語所載。能依于理而不失其正者。不一二見焉。如周史之對陳侯。史蘇之占伯姬。楚丘之告莊叔。雖亦舉爻辭。而或用卦變。或用互體。或用物象。陸離誕幻。使人目眩心驚。而不敢置議。然迹其稱引未來之事。如列燭指掌。過涉明顯。其出于事後之傳會。无可疑者。欲據以爲占法之準。不亦誤乎。

僖公二十五年晉侯筮納王遇大有之睽九二動也
曰公用享于天子之卦其占法最合于古又曰天
爲澤以當日則參以之卦及卦變之說又曰大有
去睽而復亦其所也此言不用卦變而專論本卦
其理亦全夫專論本卦而其理亦全則之卦卦變
之爲說但可借之以推廣使果甚係于輕重則豈
可得而舍而遂曰去之乎按卜偃始終皆用古法
此亦遺文墜義之可尋而當愛之餽羊也

又按昭公七年孔成子遇屯之比

初九動

十二年南蒯

遇坤之比哀公九年趙鞅遇泰之需皆六其時皆五動直舉所動之爻辭而發明之不用他義豈春秋之末占法之支離煩瑣已極人多厭之而欲反于古歟。

占者占所動之爻也。若三爻動以上及六爻俱動俱不動者不惟著筮所少而古法亦不可考矣。啓蒙云六爻皆不變則占本卦彖辭。筮宗曰僖公十五年秦伐晉筮遇蠱成公十五年晉楚戰晉筮遇復皆不變而皆不舉卦彖。孔成子筮立繫遇屯之比。

乃一爻變史朝舉卦彖曰元亨則六爻不變者不專以卦彖占而一爻變者反得舉卦彖也啓蒙又云二爻變則以本卦二變爻辭占仍以上爻爲主四爻變則以之卦二不變爻占仍以下爻爲主五爻變則以之卦不變爻占此在左國俱无其文晦菴曰今以例推之當如此則臆說矣且以例言七八不變非所當占古人何獨于四五爻變而違用九用六之例乎又云三爻變則占本卦及之卦之彖辭而以本卦爲貞之卦爲悔以晉重耳筮遇貞

屯悔豫皆八當之。按是時重耳志得晉國。筮既得屯。後復得豫。而二卦之象辭。又適皆有利建侯之語。故司空季子云云。安得執以爲三爻變之例。故趙氏汝楫曰。周語晉筮成公遇乾之否。亦三爻變乃不聞其舉易象也。至本卦爲貞之卦爲悔之說。尤爲謬誤。按晉語韋昭註曰。震在屯爲貞。在豫爲悔。八謂震兩陰爻在貞。在悔皆不動。故曰皆八。其言至爲明晰。晦菴乃不之用。而沙隨程氏又云。自二爻變以上。皆以本卦爲貞之卦爲悔。是何言與。趙氏

汝楫曰晉遇乾之否亦三爻變者乃不云貞乾悔否是也。啓蒙又云六爻變則乾坤占二用按蔡墨以羣龍无首爲乾之坤其語甚爲不經而乾坤亦終古无占二用之事又云餘卦則占之卦彖辭此于義何取而爲斯例乎以上蓋皆臆說也古者旣以所動之一爻爲占其或爻之動者太多无所適從則置之而更筮或別有斷法皆不可知若經傳无其文而以意爲之則非所敢安也已。

按左氏于二爻動以上俱无其文凡所謂某之某者。

皆指一卦一爻而言也。他若秦伯遇蠱僖公十五年、晉

人遇復成公十年、孔成子遇屯昭公七年、又穆姜得艮之

八襄公九年、及國語貞屯悔豫皆八、泰之八、諸占後人

雖有言其爲六爻不變、三爻俱變、與五爻俱變者、

恐未有以見其必然耳。竊疑古之占法、自二爻動

以上者、動爻旣多、象无所主、或卦多得八、則陰過

盛而不可以有爲、當日蓋皆不以爲吉占、故貞屯

悔豫皆八、史以爲不吉、艮之八、史亦以爲不利也。

而論者乃欲以不變爻占、是。不知周易无用八之

例。而。其。見。出。當。時。之。筮。史。下。矣。

以艮八準泰八之例而論。泰之外卦三陰皆不動。曰泰之八。則艮亦必內外四陰皆不動。而後曰艮之八。其理甚明。法宜舉艮之彖辭。而不見其人之語。不可以告穆姜。曰是謂艮之隨者。史之遁辭也。貞屯悔豫皆八。當依韋昭之註。並指震之二陰。然又不得以爲三爻變之卦。亦不得以豫爲屯之之卦。誠如啓蒙所論。則國語當云得屯之豫。貞悔皆八矣。且震亦惟三陰不動。韋註又不可通。

按左氏于一卦動一爻者皆謂之遇某之某此爲正例其所動不止一爻或六爻俱不動者不謂之八則謂之遇某又爲一例然惟此二例而已宋儒乃創爲二爻以至六爻俱有變例而求之經傳實元其說則曰推之當如此其何以俟百世而不惑乎夫古法淪亡非後人所能追復而欲以意撰則理有不可學者博綜往籍而能折衷以求其當則亦善矣今考左氏一爻動者爲圖于左而附論其是非且以明重交單拆之法俟後之知者云

畢萬遇屯



之比



賓屯之初九



个法以此為
重後放此

按辛廖屯固比入及六體不易之說兼卦變卦象而爲言也終之曰公侯之卦則所主仍是爻辭蓋爻辭一語于辛廖所論原自櫛括旣以此爲主則餘皆枝葉可知矣

昭公五年叔孫蒧叔筮遇明夷之謙亦初爻動小楚丘反復以卦變卦象推演然亦不出本爻辭之外

蔡墨稱乾

之同人

實乾之九二



說見前


崔杼遇困



之大過



實困之六三




今法以此爲
交後放此


按陳文子論此卦曰夫從風是舉卦變而其後則
仍主爻辭




陳侯遇觀



之否



實觀之六四




按周史曰是謂觀國之光。利用賓于王。斷以爻辭。自足該陳氏之本末。至所論變卦互體。雖若近理。實亦浮蔓。何則。觀五剛中。本自有光。不俟變而化。乾萬物藏于坤土。其富已極。亦无取于山而待互艮。若因山而卽知爲姜姓太嶽之後。則與懿氏之占五世八世同一推測。過當而反近于事後之附會矣。左氏所載占筮之事。始此。然已不足爲訓。如是。


趙軼遇泰



之需




賁泰之六五




說見前




晉遇歸妹



之睽



實歸妹之上六



按史蘇占之曰不吉而直舉歸妹上六爻辭可見
占之正法不過如此歸妹之睽猶无相也以下忽
論變卦遂至叵測夫惠公以怨報德其召旼在人
事之不臧豈有于筮嫁伯姬之時而韓原之敗高
梁之死皆先具于卦象遂得而斥言之乎務以文
勝而不顧其理之所安蓋左氏之病也